

LE PIAGHE DEL GIORNO

POESIA VERISTA

IN DIALETTO ROMAGNOLO

Me am arcord de cinquentot
Davè cnoschè qualch patriot
Che de Pepa i geva mel
Che vendeva cher e sel,
Che mantneva di sulted
Furistier e non de sted,
Che scaneva sa dli tas
Specialment me popul bas.
E succedè e cinquantanov
La galena la fe l'ov,
I fu una gran rivoluzion
Gl'Italian, Napoleon,
Con fer e fog in Lombardia
Mi tedeschi ii caciò via.
Pio nono e perdè e tron
Perma, Modna e re Barbon
E me Duca dla Toscana
li arbalto anche la scarana.
I fec l'Italia quasi unida
E tutt i geva, la è fnida
Sta cuccagna maledetta
Chi cià sgombre la sachetta
Di baioc, papet e pevol
Las chi vega tutt el Dievol.
Da per tutta sa stli piaz
Urle, evviva gran schiamaz
Che parevè a me senti
Can savis più da patì
Ne fredd ne fema ne dolur
Che tutt a fusme dvantè sgnur.
I principiò ti nost pais

A fe al chert i Piemontis,
E popolac si prim mument
An fu contrerie e nè content
I feva i chsè una risarela
Poc d'gust non tenta bela;
Dop poc mis i fe la leva
Oh questa se nissun la vleva!
Pedre medre tutt i fiol
I ruggevà i feva i dol
I biastmeva contre e guerne,
Che sciopassa giù at l'Inferne.
In geva insomma d'ogni sorta
Pegg ch'caves d'andè alla morta.
Li per li veda e non veda
I mudò tutt la moneda
Al doppie d'or al collonedi
Al fu tutti barattedi
In tent sold e centesmac
Mist d'zèng sun po d'ramac.
Dop dun po per fei la giunta
Dla cartacia sporca ed unta
Ca santrem di gran suspir
Quand a sem a te ritir.
E principiò cur e vapor,
Quest ancora un bel lavor
Per i sgnur pi pussident
Pi merchant che tun mument
I porta via for de sted
Vac e bov pegre e castred,
Gren e ven e furmanton,
Ovi, pesc tutt-e più bon

Tutt i gener necesserie,
Che oggi giornè iè un diverie
A pressa d'prima dila metà
In te prez dna qualità.
Quel che costa tent e quent
Don de mond e fulminent
Che sun sold e due centesme
A ste ben do tre quaresme
E sa fe fog ma la pulenta
Ai ni per Pasqua e per l'Adventa.
Ma tornemma a di de sel
Chi patriot chi geva mel
Chil vandeva a tre bulen,
I pensò da fe più ben
Per no senti più tent i strill
Il mitè unde sold e chill.
Che mi puritt ii tos l'impac
Per condì andè mi spac
O pìeda o erb o sia friteda
I curr a to l'acqua saleda.
Ma in temp d'prima un sold d'foia
Ma ste bon!.. senguò de boia,
A spippacevie una giorneda
Cia fuss longa i la d'insteda;
Ma oggi giornè sun baioc
Povra genta a fumè poc
Sa dovrè la pippa d'coc
A la fni can batti ioc,
Ah!... i cià comde i pan ma dos
An scapen più meda te fos:
Ma tutt i dezie, e macined,
La mobigliera e cassiged.
Che sotta e Pepa una casetta
La pagheva una papetta
Do bel camar con un fond,

Ades diis french an svolta tond
 I padrun ià crisiù e nol
 Ma gl'inquillin rotta de col,
 Quii ca na tent i quattren
 I sta tun fond comè al gallen
 Che iè una muffa at chi cantun
 Com è pel di chen barbun;
~~E se unadun i sta a inter~~
 Sebben enca chie un ches rer
 In na bsogn da scapè fora
 A ved sle terd o sle honora
 O se el temp le brutt o bel
 Chi sta te let e i ved al stel.
 Ma fra tent mel chi sta pegg
 Le l'artesta le i manegg.
 Le cla genta che i purac
 I na quel chi chempa d' brac,
 Ma i pussident i contaden
 Quii de pien carscod de ven
 Canva, gren e furmanton
 I na miga bsogn d' nissun!...
 I na abbastenza da per lor
 E sià da de mi creditor
 Quand iè arriv a me raccolt
 I po paghè cinquentà volt.
 I cuntaden dla muntagna

Im potrà fe tenta zampagna
 Dov ch' fa i batocce al farfanel
 Raspa raspa in ciapa quel.
 Ma un enta cosa però vdiv?
~~Se da che pasa un'an cattiv~~
 Chi satrova a tun ristret
 Senza gnint te cauzalet,
 Si va una casa a to quattren,
 A to al garnel mun magazen
 Comè a Vrucc, a Saludecc
 Dio ne guerda chin fus pegg
 Tent i trova chii la fa
 Per sei mis la sigurtà.
 Che e braccient e porve artist
 Sel chiamas ancora Crist
 Quand la fema lal travaia
 Tutt i dis las che sbadaia,
 E da do venle tutt e mel?
 Che tutt iapreza e capitel
 La men dopra e la fadiga
 In la conta una muliga.
 Specialment ti nost cuntorne
 Le la piega d' oggi giorne.
 Se i più gross in smett in testa
 D' armidiè ma sta tempesta
 Le brutt temp a sla muntagna,

E potria fe la gragna
 Che sla fa te mes d' Giugn
 Quand l' arcolt a lem te pugn,
 E cascarà al testi me gren
 A finrem da magnè e pen,
 La trida tutt e furmanton
 An farem più e pulanton,
 La romp i gett mi parguler
 Bònde genta ca sem per.
 Se voelt unenta volta
 La canzona a la i tola
 Sa i avu divertiment
 Questa i que la fa per cent.
 I ne qualdun chii fa el di pegg
 Cle fadiga a putè legg:
 Certament ma l' Italian
 Le bon d' leg tutt i gabien
 Ma av ve deg e pu a scumett
~~Sebben cle scritt anch in diatett~~
 Un burdel cà fat la sgonda
 A niè dubbie cus cunfonda.
 Miti al men a dla maletta
 Ecque i quà la canzonetta.

G. VILLA

(Proprietà letteraria)